

تتلی کہانی

اک رُکھ سی۔ اوس وچ ڈھیر سارے پتر سن۔ اک پتے تے اک نکا جیہا انڈہ سی۔ اک دن انڈہ
ٹُٹ گیا۔ اوہدے وچوں اک نکا جیہا کیڑا نکلیا۔

ایس کیڑے دا ناں کیڑر پلر سی۔

کیڑر پلر نوں بُھکھ لگ رہی سی۔ اوس نے جس انڈے توں نکلیا سی اوسے دا چھلکا کھا
لیا۔ اوہنوں ہور بُھکھ لگی۔ اوہنے اوہ پتا کھا لیا جس تے انڈہ سی۔

اوہنوں ہور بُھکھ لگی --- ہور بُھکھ --- ہور بُھکھ لگی۔

اوہ کھاندا گیا۔ کھاندا گیا ----

ہن اوہ نکا جیہا نہیں رہیا۔ اوہ وڈا ہو گیا اتے موٹا ہو گیا۔

اوہ کھاندے کھاندے تھک گیا۔

اوہنے اپنے آ لے دوالے اک تھیلا بنا لیا۔

ہن اوہ تھیلے وچ سی۔

تھیلے دے اندر کیڑر پلر دا مہاندرا بدل گیا۔

اک دن تھیلا پاٹ گیا۔ تھیلے وچوں کیہہ نکلیا؟

اک نکي جیہی، سوہنی جیہی پیلے رنگ دی تتلی!

تتلی دے پر گلے سن۔ تتلی نے اپنے پر سکھائے۔ فیر اوہ اُڈن لگی۔

تتلی اُڈ کے اک نیلے پُھل تے جا بیٹھی۔

پُھل دے تھلے اک جالا سی۔ جالے وچ اک مکڑی سی۔

مکڑی بولی " پیاری تتلی میرے گھر آ۔

میں تینوں مزے دے مچھر کھواواں گی، تینوں امرت پیا واں گی۔ "

نیلے پُھل نے تتلی نوں آکھیا " مکڑی تینوں کھا جائے گی، اوہدی گل بالکل نہ منیں۔ "

تتلی اوتھوں اُڈ گئی۔ ہن اوہ اک جھاڑی تے گئی جتھے پیلے پُھل سن۔ اوہ پیلے پُھل دا رس پین لگی۔

تتلی نوں اک واج آئی، 'روں، روں، روں'۔

پیلے پُھلاں نے تتلی نوں آکھیا " ایہہ بھڑ دی واج اے، اوہ تینوں ویکھ لوئے گا تے کھا جائے گا۔

ساڈا رنگ پیلا اے، اتے تیرا رنگ وی پیلا اے۔ توں ساڈی جھاڑیاں وچ لُک جا تے فیر بھڑ تینوں نہیں ویکھے گا۔ "

اینے وچ اک ساوی تتلی آگئی۔ اوہ وی بھڑ توں لُک رہی سی۔ اوہ جھاڑی دے ساوے پتراں وچ لُک گئی۔

پیلی تتلی تے ساوی تتلی وچ دوستی ہو گئی اتے اوہ اک دوچے دے نال نال پُھلاں دا رس چوسن لگیاں۔